

留身且住待青霄得志坦然行步

梅花引 磻溪舊隱

無名客無牽迫無桑無梓無田宅古巖前老  
松邊長歌隱几徐徐考太玄玄中默論無生  
死實際何曾分彼此貫千經恊三靈包含萬  
化都歸一念冥 行不勞坐不倦任行任坐  
隨吾便晚風輕暮天晴道遠大道南溪上下  
平溪東幸獲忘形友月下時斟消夜酒酒杯  
停月華清披襟散髮欣欣唱道情

六么令 法性

渾淪撲散天地始玄黃鳥飛兔走漸生群物  
類開張一點如至性撲入隄皮囊游魂失  
道隨波逐浪萬年千載不還鄉 錯了鴻濛  
體段憎愛日相望却認父母形骸做好容  
光劫劫輪迴取骨受盡苦和殃何人問早尋  
他歸路瑩然慷慨舊嘉祥

菱荷香 乞食

日莫為信騰騰迷村覓飯充飢攔門餓犬撐  
突走跳如飛張牙怒目待操心活殺人皮是  
則是教你看家寧分善惡不辨高低 可數

信信此物蓋多生辛劣一性昏迷設科演教  
叮嚀插耳難知雖然太上駕親臨無處慈悲  
為人早早修持運到佳時發慈悲

喜遷鶯 律心

要離生滅把舊習般般從頭磨徹愛欲千重  
身心百鍊鍊出寸心如鐵放教六神和暢不  
動三尸顯厥事猛烈仗虛空一片無情分別  
關結除絲綫方過至人金口傳微訣頓覺靈  
風吹開塵障形似木雕淫捏既得性珠天寶  
勤破春花秋月佳時節鬼難呼唯有神仙提  
挈

磻溪集卷之五

磻溪集卷之六

棲霞長春子丘養機撰

友六

詞

鳳樓梧 寄東方 磻溪

天下風光何處好八水三川自古長安道錦  
樹屏山方曲遠天涯海角誰能到 既是拋  
家須早登程莫戀關花草直直潼關  
西嶽廟教君廓爾清懷抱

其二 道友見功 于磻溪

孤僻堪巖清淨界鑿王安身抱道忘知解道  
友相看唯莫浪貧閑守拙無相待 富貴功  
名堪倚賴多是非失檢多成敗王食馨香  
終不耐單瓢寂淡常安泰  
今日思量當日故知我前程迢遞時難度福  
祐不私天不助忽忽欲去無門去 走骨行  
屍心已悟魂夢悠悠且向磻溪住幸謝街坊  
豪傑戶時時慕讀來相顧

其三 述懷

西轉金烏朝白帝東望翠壑暗色籠青桂漸  
扣南華排菊會滿斟北海醺醺醉 醉卧終

11021A B 35-2

南山色裏山色清高夜色無雲蔽一鳥不鳴  
風又細月明如晝天如水

雙雙鷺春山

春煙淡蕩青山媚行雲亂飄空界花光石潤  
秀出洞天奇怪戶牖平高萬丈盡耳目臨風

一快多生浩劫塵情曠朗渾無纖芥堪愛

逍遙自在疎枷鎖拋離業根寬債風隣月伴  
道合水晶天籟無限崢嶸勝景盡賜與山堂  
教責千聖寶珠酬價問君誰解

萬年春土垠

土垠秋來温温漸覺陽和勝幽樓興道家偏  
稱疎懶多貧病凜冽天寒葉落山川淨窻  
前競雪飄風勁熱焙閑吟詠

其二衲衣

衲襖秋來著身漸覺時相稱霜天淨暢懷游  
興不怕西風勁五六百片千條上下穿聯定寬  
還正外疎狂性內放明珠瑩

其三杜鵑

春暖煙晴杜鵑永日啼芳樹聲聲苦勸人歸  
去不道歸何處我欲東歸歸去無門路君

提舉有何憑據空說閑言語

其四鷺鷥

秋夜沉沉漏長睡酷多思想須依仗道情和  
暢不縱魔軍王打疊神情物物離心上虛  
空帳慧燈明放坐待金鷄唱

忍辱仙人號靜元 押司求

物外天機唯不審人間世事無過恁縱你英  
雄官極品身如信貧饑逼迫應圖甚我自  
飢餐并渴飲布裘不羨披綾錦飽暖之餘邪  
僻禁虛堂任曲肱展脚和衣寢

其二春澤

數載田苗長亢旱今春雨雪何滋漫嘉兆分  
明知過半將來看掀天大熟譎謳滿二月  
花開成片段千株柳發排堤岸又待教人裝  
好漢相呼喚提壺挈榼爭跳窻

其三春興

一澤天恩齊慶賀五六群生地著無飢餓愁能眉  
間都蹴破遠真箇盈街堆畝收田課醞酒  
邀賓時唱和排筵看食重堆穉醉飽腥膻心  
不挫驕矜過却憂福裏還生禍

春日春風春景媚春山春谷流春水春草春

花開滿地乘春勢百禽弄舌爭春意澤又

如膏田又羨禁煙時節堪遊戲正好花開連

夜醉無愁繫玉山任倒和衣睡

其四聲色

豪氣衝天居列鼎笙歌聒地排淫境玉銜飛  
虬衫帽整風流騁不知撲入瑠璃井滑壁  
千尋光似鏡交交出路無門徑饒你玲瓏機  
巧性難逃命與他送却頭皮影

其五妙用

千古聖賢皆一軌亘初得得從心起除此道  
遙安穩地無餘理自然消息恬然羨不在  
勞神并苦已般般放下頭頭是選甚花街弄  
柳市虛空體本來一物無礙滯  
天下周游身不動人間照了心無用閑把虛  
空頓趕弄行雲從八方上下輕收縱兔角

錐兒鑽骨痛龜毛拂子敲山重掃蕩邪魔靈

物空清風送太平國裏乘鸞鳳

黃鶴洞中仙贈同

都要奔波走誰肯堅心守南北東西總一般

此外無他有 踏盡鐵鞋迷不出卷門透水  
到渠成本自然行滿功還就

其二 統緒 南樂

此地風光勝人物俱相應水竹深藏數十家  
戶戶知天命 我愛清虛景策杖尋幽徑每

日巡村轉一遭信步閑吟詠

其三 自述

故里在天涯海上無名士因遇終南陸地仙  
挈我來遊此 素靈斷蓬飛野鶴孤雲志頂  
笠披蓑人不知便是風狂子

望蓬萊 贈王喬 二 生

王喬地一曲甚清嘉古道寧環連水石垂楊  
檉檉帶煙霞桃李問桑麻 其中有崇道兩  
三家知命固窮皆淡薄樂天清儉不奢華隨  
分保生涯

其二 秦川

秦川好一片錦紋華日出雨晴山色秀月明  
風急水聲嘉千里淨無涯 余到此喜慶復  
難加天祐時豐堪養道地靈人傑不生邪時  
復伴煙霞

其三 南漢行

南溪竹騰秀入青冥直節虛心功未顯深根  
固帶道先明霜雪豈凋零 休悵恨大器晚  
圓成自有孤高樓鳳質能教個儻化龍形他  
日看超昇

其四 遊興 五

飄蓬客天賜水雲閑自在行時無日月相隨  
到處有菱鬢風雨亦開顏 修鍊事地軸鎖  
天關出有入無三尺劍長生不死一九丹名  
列上仙班

青蓮池上客入關

重陽羽化登仙路兄弟如何措各各勤修生  
覺悟通無入有靜思忘念密考丹經祖 一  
時浩劫真容露放蕩情懷任詩句直待人間  
功行具雲朋霞友爽邀風月笑指蓬瀛去

其二 幽棲

一從東別長安道西往磻溪廟漸扣南山名  
跡香洪瀟冷淡土龕瀟灑北府何曾到 夜  
深陌上行人情獨聽巖前子規叫切切松梢  
啼到曉聲聲相勸不如歸去爭奈功夫少

報師恩 初有 吳僧

不僧不道不溫柔九百人前不害羞覺性一  
時超法界知身德劫是吾囚 改頭換面人  
難悟走骨行屍我不憂得意忘形還撲去從  
教人笑不風流

其二 渭南 淵衷

一方勝景滿川稀水竹鬱環四面圍菴極名  
花紅舟舟當門幽檜綠依依 爭教稚子春  
風舞闌巧靈禽曉樹啼社內人家三十戶崇  
真修道歷磻溪

其三 贈道 友六

一橫嘉景日常新古柏森森四季春福地清  
高矜俗事名壇時復會仙賓 人人盡喜生  
中國戶戶虔心敬上真唯願諸公皆省悟同  
登無漏出紅塵

其四 時情

神仙縹緲太虛私世俗無由得見之幸過門  
庭開教化臨達齋懸莫推辭 擔家造孽常  
終日作福治心只暫時更到時來心不謹終  
身何以報恩慈

懶看經教懶燒香兀兀騰騰似醉狂日月但  
知生與落是非寧辨短和長 客來座上心  
慵問飯到唇邊口倦張不是故將形體縱養  
成貧病療無方

金蓮出玉花得遇行化

重陽師父昔日甘河曾得遇大道心開設教  
東游海上來 天涯迴首挈得吾鄉三四友  
魏國昇遐驚動秦川百萬家

其二 自述

蓬頭垢面不管形骸貧賤抱樸順神恬快  
無憂樂本真 冰姿玉體到了難逃沉土底  
子羽潘安泉下枯骸總一般

其三 法門寺李生

一團煨肉千古迷人看不足萬種狂心六道  
奔波浮更沉 天真佛性昧了如何重顯證  
寶範仙宗覺後憑君豁蔽蒙

其四 夏早

時當正熱正值天高時雨闕萬里晴暉雲欲  
生來風旋吹 如鑑天地盡日炎炎鎔暑氣  
物困人疲憶得前春嫌雨時

其五 西院雨村

南村地勝曲水橫斜穿柳徑是處池塘拍塞  
荷花映粉牆 高堂大廈戶戶如屏堪入畫  
峻嶺崇崗日日生雲遙降祥

其六 青峯

雲收雨霽露出青峯寒骨勢野靜天空岌岌  
高橫碧落中 南溪無景與爾炎天銷日永  
水日題詩不賦閑愁只賦伊

其七 魏州與丹陽致慶作

登萊離密四海皆聞頭掃筆愛爭多詞不肯  
鏡人些子兒 余今向道非似從前生計較  
好弱都休腦後如今沒筆頭

悟南柯下元醮齋生齋前

白露三秋盡清霜十月初群花零落共蕭疎  
唯有重陽佳景獨魁梧 爛熳真堪愛馨香  
不可辜人人皆挿滿頭數試問喬公替著一  
枝無

爛熳黃金葉輕盈白玉枝重陽留得下元時  
醮謝星官特地獻真師 牒奏三天主聲聞  
九地司存亡福慶已潛資大道洪恩兼付出

家兒

其二 贈葉滿子

浩浩塵埃境翻翻幻化軀中情不解了須更  
任意奔波顛倒走崎嶇 逗引中丹壞銷磨  
內藏虛悲愁哭患共縈紆百便千方醫療不  
能除

鍊丹砂贈月道全

守分莫強圖遣日閑居樂天知命忍蕭疎萬  
事休論成與敗兀兀前途 失也本來虛得  
也如何百年返覆乃須更不似中心存道念  
賢聖相扶

清心鏡贈生

萬靈中人最貴起群化數屬三才品位愚夫  
甚却騁兇頑便將為容易 殺害生靈圖作  
戲全不念地獄重重暗記一朝若大限臨頭  
與他家愷氣

鬼神擒鞭撻跪跪慈開眼強欲思量巧計當頭  
把業鏡高懸那冤家怎諱 拔舌剜心酬快  
意全不似舊日馨香美味三塗任百毒陵遲  
再生人卒未

其二 贈陳東信內  
一強公病室

達齋筵須省可休羅列看食重重堆  
樞本來要薦福求恩却招殃惹禍  
強老先生還見麼莫不是受用於身太過如今縱百味珍羞  
眼相看嚙唾

王鑑三澗雪 勸止同  
道遊傳

最苦三冬水雪難當萬里風塵天涯海角不  
離身何處夢同心印 況是中丹宛轉徒勞  
外景因循爭如作伴到青春看我行藏遠近

其二 勸勞

物外雖分端的天心未放玲瓏區區陌上走  
西東也學浮生作夢 夢寐更勞數載巖龕  
復度三冬待他消息顯真空放出凌雲蟬

其三 白詠

夜宿磻溪古廟曉登竹徑荒村日中無事飯  
巡門淡飯求他一頓 不會深窮造化隨緣  
且度朝昏是非人我絕談論却返生前混沌  
一性昭彰乍顯二儀混合初融飄飄法界任  
西東到處神光覆擁 萬籟寒泉湊頂八方  
瑞靄騰空怡然獨向九霄中坐着浮生作夢

其四 暮景

某日西沉遠隴輕颺南起洪崖飄飄逸興爽  
情懷吹斷愁思俗態 漸漸放開心月微微  
射透靈臺澄澄湛湛絕塵埃瑩瑩青霄物外  
日落風生古洞夜深月照寒潭澄澄秋色淨  
煙嵐獨弄圓明寶鑑 認得心田要妙咄迴  
世俗貪婪自欣山谷卧松巖情願披蘿食淡

訴衷情 九日  
後作

紛紛霜葉亂飄颺時令過重陽黃花爛慢依  
檻猶自吐清香 秋漸老夜彌長道情昌雲  
卷入定法界游仙不動淒涼

孤城寒角韻悠颺風送入斜陽池塘菡萏無  
色蘭畹有餘香 秋日短暮天長月華長空  
空寂照蕩蕩虛心一片清涼

其二 風景

長安風景古今奇吾道少人知天心地肺時  
正生殺按樞機 靈物秀玉芝肥射虹霓山  
頭凝望目下三川歷盡華夷

解冤結 贈贈  
衆

山河已定干戈不起太平時八方和義齋醮

頭修盛答報虛空天地謝洪恩暗中慈惠  
千年一遇神仙出世幸遭逢莫生輕易供養  
精嚴但一歲勝如一歲過良辰大家沉醉

其二 自詠

當初學道憑空鍊已志衝天人間無比放曠  
山林次後復道通雲水過夷門又臨秦地  
飄蓬十載遊程萬里度關津崎嶇迢遞事事  
請來但悟了般般總棄只隨緣布裘芒屨

其三 見飯

北方一日南方一日共東西四方文日夢寐  
沉沉且往來遊行銷日待他年道心開日  
百年短景都來幾日暗推排今朝明日不覺  
推排到聖賢佳音來日洞天開是吾歸日

龍丹砂 遊歷

雲水飄飄物外吟醍醐默醉中斟神仙活  
計道人心 容易肯爭三寸氣尋常不貯一  
文金清質柔弱禍難侵

其二 遊歷

仙院深沉古栢青森森影拂苔輕蕭條終  
日爽人情 洞冷不知門外暑心閑唯覺履

中清遶身渾似積冰凌

其三 退道

劍樹刀山雪刃橫千磨百拷死還生哀聲流血苦難登 針刺著身猶害痛銅鎚剝性莫非疼如何淫放不修行

無渴子 樂道

去年未今歲麥陸地如雲充塞豐給世太平年黎民各坦然 衆心安閑容易到處逍遙無事昏告宿饑求餐坊村沒阻頽

其二 秋齋

夕陽紅秋水澹雨過碧天如鑑籬菊綻寒鴻歸長郊葉亂飛 上西山對北海醅酌神游仙界霜夜冷月華清醺醉未醒

其三 傲態

一團膿三寸氣使作還同傀儡誇體段騁風流人人不肯休 白玉肌紅粉臉盡是浮華莊點皮肉爛血津乾荒郊你試看

恣道遙 贈道文

昔種良因今生福地虛空感上真加衛開壇闡化垂恩普濟凡一月於中建成三會

至日相呼臨時莫避棄齋且散心游戲家中不足眉頭長繫也則是浮生過了半世

忙裏偷閑師前取意勝如那苦求庸昧連朝抵暮食生不已也道我為人過了一世 假使狂圖兼能巧智多方便蘊成家計兒孫有靠金珠沒底終比做精神較些憔悴

桃源憶故人 荅丹陽

虛空照耀明如鏡好弱頭頭皆應隨逐狀同形影稍錯還提正 他人說說潭虛倭遠道狂言無證切告後來休聽默默依賢聖

好離鄉 述懷

故人別後閑吟罷寂寞雲溪瀟灑百尺孤松影下獨弄周天卦 清風皓月雖無價妙手奇工難畫欲向世間誇詫誰是分真假

獨坐向南溪一事無能百不知所愛冥冥煙雨後東西雲紋我列翠微 蒼骨太虛齊冉冉寒光映日飛何事中心看不足忘歸似有膏盲病著肌

亂草獨彎跼鼓腹高歌自在閑一枕游仙清夢斷怡顏笑傲聲喧碧嶂間 日午落柴關

雀躍徘徊望遠山山下有人來問道知難雀躍無言笑却還

蓬萊閣 仙山

蓬萊閣漫漫巨海深難越深難越洪波激吹怒濤翻雪 玉霄東畔曾聞說虛無一境天然別天然別盤山不動屢樓長結

其二 述懷

棲霞客西游棲在南溪側南溪側千尋赤岸萬株蒼栢 無心只有輕雲白舉頭不見繁華色繁華色空花雜亂世人貪得

養心香 學道

大道無形方寸何憑在人人智見高明能降衆欲解斷群情作閑中閑忙中靜濁中清情態如嬰懷抱如水自家籠覺破前程吾言至屬君耳深聽下十分功十分志十分成

征馬回時野菊爛爛向深溪古洞彎跼孤吟靜境獨鍊還丹被夜蕭條煙局促坐艱難一性參差數載留連到如今方露因緣瓊珠連地寶月通天使出玲瓏忘機構沒技煎

下手還 自詩

